

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 29.01.2024թ. թիվ 2417846420 որոշումն անփոփոխ թողնելու, իսկ թիվ 2417760373 և 2417857227 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<<13>> 02 2024թ. 24-5 1423

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Արմեն Գաբրիելյանի ՄԴ/12774-24 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նոր Նորք վարչական շրջանի Թոթովենցի փողոց 8/1 շենքի 60 բնակարանի բնակիչ Արմեն Գաբրիելյանը դիմումով խնդրել է վերանայել վարչական տույժ նշանակելու մասին թիվ 2417846420, 2417760373 և 2417857227 որոշումները՝ նշելով, որ իր գործողություններում բացակայել են իրավախախտումները:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները:

<<Ավտոմոբիլային տրանսպորտի մասին>> ՀՀ օրենքի 17-րդ հոդվածի 2-րդ մասի <<բ>> կետի համաձայն՝ տաքսամոտորային փոխադրումներն իրականացնողների ավտոտրանսպորտային միջոցները պետք է կահավորված լինեն՝ տանիքին՝ «ՏԱՔՄԻ» գրառմամբ կամ շախմատաձև դեղին և սև տարբերանշանով:

Վարչական վարույթի ընթացքում, թիվ 2417760373 և 2417857227 որոշումների հիմքում դրված տեսանյութերի մանրակրկիտ ուսումնասիրությամբ պարզվել է, որ դիմումատուի տրանսպորտային միջոցը 2024թ. հունվարի 3-ին ժամը 10⁵⁶-ին և 24-ին ժամը 20⁴²-ին, Երևան քաղաքի Տ.Մեծ-Մ.Մկրտչյան-Մելիք-Աղամյան-Հանրապետության փողոցների խաչմերուկի հատվածում, կանգառներ կատարելով տաքսիների կայանման վայրում կահավորված է եղել տանիքին «ՏԱՔՄԻ» տարբերանշանով, հետևաբար թիվ 2417760373 և 2417857227 որոշումները ենթակա են բեկանման:

Ինչ վերաբերվում է 29.01.2024թ. թիվ 2417846420 որոշմանը, ապա ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի **եզրին զուգահեռ մեկ շարքով**՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Թիվ 2417846420 որոշման հիմքում դրված տեսանյութը փաստում է, որ դիմումատուին իր տրանսպորտային միջոցը 19.01.2024թ. ժամը 18⁴²-ին տեղակայել է Երևան քաղաքի Տ.Մեծ-Մ.Մկրտչյան-Մելիք-Ադամյան-Հանրապետության փողոցների խաչմերուկի հատվածում՝ երթևեկելի մասի եզրին ոչ զուգահեռ՝ ժամը 18:42:12-րդ վայրկյանից 18:43:14-րդ վայրկյանը, որի տևողությունն է 62 վայրկյան:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր:

Ըստ նույն հոդվածի 39-րդ մասի՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է **միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:**

Տեսանյութը փաստում է, որ կանգառը չի կատարվել միայն ուղևոր նստելու կամ իջնելու նպատակով, գերազանցել է մեկ րոպեն, ուստի իրավախախտումը նվազ նշանակություն ունենալ չի կարող:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 29.01.2024թ. թիվ 2417846420 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման.
2. Ճանապարհային ոստիկանության վարչական տույժ նշանակելու մասին թիվ 2417760373 և 2417857227 որոշումները բեկանել և վարչական իրավախախտումների վերաբերյալ գործերի վարույթները կարճել.
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
4. Սույն որոշման օրինակն ուղարկել Արմեն Գաբրիելյանին:

